



SULEQATIGIISITSISUT
SAMARBEJDSPARTIET
UKA2019/154
Tillie Martinussen

26. september 2019

Uunga siunnersuut: Ilinniartut ineqarfii pillugit Namminersorlutik Oqartussat inatsisaat nr. xx, xx. xxx 2019-imeersoq.

(Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoq)

Ilinniartut ineqarfii pillugit inatsisip nutarterneqarnera iluarisimaarnarpoq.

Ilinniartitaanermut naalackersuisoqarfik Naalackersuisullu atorneqarluarsinnaasumik ersarissumillu inatsisiliornerat uanilu allaaserinninnerat pillugu nersualaangaarpagut. Ersarippoq inatsisip uuma atorneqarluarsinnaanissaa siunertaasoq.

Ilinniartut ineqarfii aningaasat immikkoortinneqareerpata sanaartorneqassapput – Aningaasanut inatsimmi aningaasat atorneqanngitsut

Ilinniartunut ineqarfeqarnermi suliaasaqaaq, qularutissaanngilarli ilinniartut ineqarfiinik amerlanerusunik salliutillugu sanaartussasugut. Sanaartorneq aallarertiartigu, aningaasat atorneqanngitsut suliniutillu piviusunngortinneqanngitsut amerlavallaarput, aamma aningaasanut inatsimmi.

Ilisimavarput missingiisiornermut sanaatornissamullu sulisussanik amigaateqartugut piffissarlu saanartorfissaq sivikippoq.

Soorunalumi sanaatornermi ajornartorsiut annerpaaq tassaavoq akii. Uagut sanaatornermi suliffeqarfinnut malittarisassiorpallaarnitta kingunerisaanik. Pilersaarusiornarlunermillu. Suliffeqarfinnut sanaartortunut suliariumannikkusuttunut anginerlut immikkut pisussaaffeqarpugut, pitsaasumik pilersaarusiornissamut. Naggataatigut immitsinnut eqqorujussuaannartussaavugut, aningaasanut inatsimmi aningaasatigut.

Sanaatornermik ingerlaavartumik pilersaarusiortitsi – suliffeqarfinnut sanaartortunut killilersuutit peersigit

Ingerlaavartumik pilersaarusiorneq pikkoriffiginerusariaqarparput, sanaartortut taamaalillutik piffissamut siviisumut pilersaarusiorsinnaaniassammata. Ataatsimut allaffik neqeroortitsinermik suliammillu ingerlatsinermik isumaginnittumut atoqqittariaqalerparput – soorunami ajornakusoortunik atugassaqaraluartut. Aamma aningaasanut inatsimmi sanaatornermut aningaasat uninngaannannginnissaat qulakkeertariaqarparput.

Sanaatornissanik tulleriaasinissamik allattuivimmik suliaqartumik naalackersuisoqarfiit akimorlugit suleqatigiissitaliortoqarnissaa Naalackersuisut salliutilluinnarariaqarpaat, taamalilluni qitiusumi immikkoortup sanaatornissat tulleriaarniassammagit qulakkeerlugillu. Utaqqiinnarsinnaanngilagut.

Inissianik amigaateqarneq inissiallu aserfallassimasut nunatsinni najugaqartut aamma ajornartorsiortippaat

Nuummiinnaq ukiut ikitsuinnaat ingerlaneranni illoqarfimmu 5.000-ingajaat nuupput. Siornatigut inissianik amigaateqarnermit tamanna annertunerusumik malugineqarpoq. Inuppasui illoqarfimmi inissiani oqulinni aserfallassimasunilu najugaqarput, anisinnegartullu piffissami qaninnerusumi inissaqalernaviannngillat.

Ilinniartut ineqarfii aamma piumaneqartorujussuupput.

Erseqqippoq aappariit ukiumut 500.000-inik isertitallit ilinniartut ineqarfii najugaqassanngitsut. Tassungali peqatigitillugu oqaannartariaqarpugut immaqa inissiamik naassaarsinnaannginnerat pissutaasoq,



SULEQATIGIISITSISUT
SAMARBEJDSPARTIET

aapparisarlu ilinniarusuppat ilinniartut ineqarfianni najugaqartariaqarput.

Ajorilinginneranni pissutsit paasiniaqqaartariaqarput.

Soorunami peqquserluttuliornerit akuerineqarsinnaangillat namminerlu pisinnaasut nammineertariaqarput, kisiannili tassani ineqarnerannut inissianik amigaateqarneq ersarissumik pissutaasoq ilinniarneq unitsinneqassangilaq.

Aamma Nuummi maannamiit sukkanerungaartumik sanaartornissap qulakkeernissaanik pisariaqartitsivugut. Aamma sinerissami taamatut pisariartitsiviusunut tamanna soorunami atuuppoq, Nuummili ajornartorsiortoqarneruvoq, pilersaarusiornitsinnilu tamanna sillimaffigisariaqarparput.

Innarluutillit pitsorluttullu ilinniartut ineqarfinniissinnaanerit

Qularutissaangilaq innarluutillit ilinniartut inaannik allangortitserisinnaanerit pitsaasorujussuuvoq, taamaalilluni innarluutillip pisariaqartitaanut naleqquttuuniassammat, immaqali tamassuma takutippaa inissianik innarluutilinnut naleqqussakkanik siunissamik sanaartornissamik pisariaqartitsisugut.

Silamiikkaanni takuneqarsinnaavoq utoqqaat pitsorluttullu pisiniarfinni majorallaffinni takisoorujussuarni ingerlaniarsarisut, ippassaanilu eqqarsaatigaara nunatsinni pitsorluttuulluni timikkullu innarluuteqartuulluni sooq taamatut ajornartigissanersoq.

Piffissaq suli sivisussaaq, tassa tamanna maannamut salliutinneqarnikuunngimmat, kisianni innarluutilinnut naleqquttunik siunissami inissiaqarnissarput qulakkiissavarput – aamma ilinniartut ineqarfiini.

Ullumikkut ilisimasaqarneruvugut, taamaammat siunissami pitsaanagerusumik iliuseqartariaqarput. Taamaaliussaagut? Naalackersuisut oqaluttarfimmiit maanngaanit apererusuppakka.

Pilersitseqqittarneq tassunga atatillugu immaqqa eqqarsaatigeqqittariaqarparput, tassa inissiat innarluutilinnut naleqquttunngortinnissaat tassangaaniillu nooqqippata ajornakusuungaatsiarmat...

Tamanna ajornakusoortuuvoq, tassa ilinniartut aatsaat tikikkaangamik inissiaq takusarmassuk, taamaammallu inissiaq qanoq ittuunersoq siumut takusinnaanagu. Aamma ilinniartut ineqarfianni inissiaq tamatuma kingorna piffissaq pisariaqangitsumik atorineqanginneratut isikkoqarsinnaavoq, tassa innarluutillip allanguutit anisernissami tungaanut atortussaammagit.

Taamaammat issiavik kaassuartagaq atorunikkut assersuutigalugu majorallaffiit pinngitsoorsinnaangilaat.

Ernisimalluni / Qitornartaarsimalluni sulingiffeqarneq

Taamaammat periutsip tamassuma qanoq allangortinnissaa Naalackersuisut eqqarsaatigaat?

Erninermut atatillugu atuangiffeqarnermi ajornartorsiutit oqaluuserisaqarparput. Ilinniartoq ataatanngorpat anaananngorpalluunniit inatsit qanoq atuuppa? Imaaliinnarlugu paasivarput inissiatik annaassagaat.

Piaartumik pingaartumillu pisumi uani ilaqutariit erninermut atatillugu ilinniangiffeqartut ilinniarsinnaasariartut inatsimmi toqqaannartumik ilannguttariaqarparput. Inigisartik annaasariaqangilaat.

Qaammatini sisamani immikkut akuersissuteqarsinnaanerup ilanngunneqarnikuunera naatsorsuutigiinnarsinnaangilarput.

Takutilluartariaqarparput meeqqat ilaqutariillu meerartallit ilinniartitaanermi ilaasut tassanilu pingaaruteqartut.

Ajornartorsiut ilisimaneqarluarpoq, tassa erninermut atatillugu ilinniangiffeqarneq ilinniarnermullu



**SULEQATIGIISITSISUT
SAMARBEJDSPARTIET**

atassuteqartitsinermut ajornartorsiutit.

Tamanna oqallisigeriartigut, matumanilu kaammatuutigaara ataatsimiititaliap sulinermini tamanna oqallisigissagaa.

Taamatut annikitsunik oqaaseqaateqarluta siunnersuut una ataatsimiitaliami suliamut attuumassuteqartumi sukumiisumik oqallisigisassanngortipparput.